

錦繡萬花谷

二十三

舊刊錦繡萬花谷

二十七冊

錦繡萬花谷卷第二十五

隱逸



五柳先生

陶潛為彭澤令門植五柳自號五柳先生

見柳門

四明狂客

賀知章開元時為禮部侍郎授秘書監晚節放誕

自號四明狂客及為秘書外監天寶初乃請為道

士還鄉里有詔賜鏡湖剡川一曲帝賜詩

唐本傳

天隨子江湖散人

陸龜蒙字魯望居松江甫里有田數百畝屋三十

楹設釣具往來時謂江湖散人或曰天隨子

唐本傳

煙波釣徒

張志和居湖自稱煙波釣徒又號玄真子肅宗嘗

賜奴婢各一志和配為夫婦號漁童樵青曰願為

浮家泛宅往來苕霅門

唐本傳

四皓

秦時夏黃公綺里季角里先生東園公避秦隱商

山行歌紫芝曲漢高祖累聘不至後用張良計乃

出隨太子朝太子乃定

九老

白居易與胡杲吉旼鄭據劉真張渾狄兼謨盧貞

燕集皆高年不仕者人慕之繪為九老圖

本傳

狂奴七里灘

嚴子陵名光小字狂奴與光武同遊學後隱富春
渚七里灘帝聘至侯霸與之書光荅曰君房足下
懷仁輔義天下悅阿諛順旨要領絕霸奏帝曰狂
奴故態也本傳山谷詩云平生久要劉文叔不肯
爲渠作三公能令漢家九鼎重桐江波上一絲風

三花樹

邢敦夫爲黃知命陳履常作歌云芒鞋竹杖歸去
來武陵桃源春欲暮白水青山起煙霧頭巾好拂
三花樹王直方詩話

三峯圖

潘閔詩高愛三峯插碧虛回頭仰望倒騎驢傍人
大笑從它笑終擬移家向此居坡詩注

白蓮社

劉遺民雷次宗依廬山遠師乃於精舍無量壽像
前建齋立社共期西方廬阜記遠師結白蓮社以
書招陶淵明陶曰弟子性嗜酒若許飲即往遠許
之遂造焉陶攢眉而去高僧傳

支床有龜

坐帳無鶴支床有龜一寸二寸之魚三竿兩竿之
竹名爲野人之家是謂愚公之谷江淹兔園賦

客至放鶴

林逋隱孤山蓄兩鶴縱之則飛入雲霄盤旋久之復之籠中逋常泛小艇遊西湖有客至逋所童子爲開籠縱鶴良久逋掉船而歸

言行錄

買山錢

符山人投襄陽于頔乞買山錢公與之仍加衣服

雲溪友議

山資已足

王秀之爲晉平太守暮年便求去曰山資已足豈可久留以妨賢路

南史

泉石膏盲煙霞痼疾

唐田游岩隱許由祠傍號由東鄰高宗幸嵩親至其門曰先生此佳否對曰臣所謂泉石膏盲煙霞痼疾者

隱逸傳

西湖風月

舊云西湖風月不如東華軟紅塵土東坡詩隱居求志義之從本不計較東華塵土北窻風

能言鬪鴨

陸龜蒙有鬪鴨一欄極馴一旦驛使挾彈斃其尤者龜蒙曰此鴨善人言見欲上進柰何斃之使懼盡與囊中金徐問人語之狀龜蒙曰能自呼其名也

駕飛鴻

山谷觀盧鴻圖云黃塵逆帽馬避易歸來下簾卧
書空不知綉鞍萬人立何如盧郎駕飛鴻盧隱士
駕飛鴻歸隱也

桑苧翁

唐陸羽隱苕溪稱桑苧翁或獨步沂野中誦詩不
得意輒慟哭而歸本傳

浪士漫郎

元結作自釋曰少避亂入猗玕洞稱猗玕子後家
灤濱乃稱浪士及有官以爲浪者亦漫爲官乎呼
爲漫郎漫郎既告樊上漫遂顯左右少長相戲更
曰聱叟彼謂以聱者爲其不相從聽不相鈎加帶
笠篁而盡船獨聱牙而揮車酒徒得此又曰公之
漫其終猶聱乎本傳

綠野堂

裴度出爲東都留守不復有經濟意乃治第東都
沼石林叢岑繚幽勝午橋作別墅具煥館涼臺號
綠野堂度野服蕭散與白居易劉禹錫爲文章友
把酒窮晝夜歡不問人間事本傳

脫朝服辭官

陶洪景爲諸王侍讀家貧求縣宰不遂永明十年
脫朝服掛神武門上表辭官詔許之南史何時神
武門相約掛官服東坡介亭詩

角巾東洛

薛平除散騎常侍年老致仕角巾東洛

多幸老民

宋琪拜右僕射被病作多幸老民叙以見志

職官

北山北南山南

後法真隱處太守欲以功曹相屈法真曰若欲使之真將在北山之北南山之南

本傳

大山小山

何胤二兄求點並栖遁世號點為大山胤為小山胤侈味食必方丈周顒勸令食菜陳無已有詩云但云蘇晉禪妨醉不患何山病破葷

南史

舟中看宮錦袍

李白侍明皇忤高力士自知不容求還山嘗賜金放還白嘗乘月與崔宗一自采石至金陵看宮錦袍坐舟中傍若無人

釣竿拂珊瑚

老杜送孔巢父歸江東云巢父掉頭不肯住東將入海隨煙霧詩卷長留天地間釣竿欲拂珊瑚樹珊瑚生海底先以鐵網置之積年舉網乃得

南州志

登鹿門山

三國時龐德公隱峴山之門未嘗入城府夫妻相敬如賓劉表延之不能屈後登鹿門山不返

池中龍種

龐德公字子魚晉太康中棄官居南白沙里人皆敬之曰池中龍種來我家

襄陽耆舊傳

蘭菊叢生

羅含歷散騎常侍老年致仕還家階庭蘭菊叢生理圃布真珠爲樂

南唐近事陳繼善自江寧尹致仕一旦荷鉏理山圃成畦布以真珠百餘顆若種蔬狀布土間記顆俯拾周而後始以爲樂

遠師破戒

遠法師持律精苦過中不受密湯而作詩換酒飲陶彭澤送客無貴賤不過虎溪而與陸道士行過虎溪數百步大笑而別故禪月作詩云愛陶長官醉兀兀送陸道士行遲遲買酒過溪皆破戒斯人何師斯如斯

三笑圖

遠法師送陶元亮陸脩靜不覺過虎溪因相與大笑今世傳三笑圖是也

廬山記

華陽隱居

南史陶弘景入茅山自稱華陽隱居造三層樓栖止身居上弟子居中接賓客於其下梁武帝時有大事無不前以奉陳時人謂之山中宰相帝嘗問

山中何有陶以詩對曰山中何所有嶺上多白雲
只堪自娛悅不堪持寄君

輞川別墅

王維有別墅在輞川地奇勝有華子岡歌湖竹里
館柳浪茱萸泮辛夷塢與裴迪遊其中賦詩爲樂
本傳

香山居士

白居易遭幼君不合乃放意文酒居東都疏沼剏
石樓香山鑿八節灘自號醉吟先生又稱香山居
士本傳

靖長官

張師旦括異志靖長官真定人登第一旦棄妻子
不歸洛下蘄襲者嘗於其家設一帷榻甚潔詢其
故曰以待靖長官今隱嵩少間歲或一至或再至
曾慥集仙傳謂唐僖宗時爲登封令棄官學道遂
升仙東坡云劉几嘗遇於嵩高山中坡詩注

休休亭

司空圖昭宗召拜兵部侍郎柳璨希賊臣意誅才
望詔圖入朝圖陽墜笏意趨野耄璨知無意乃聽
還圖居王宮谷名亭曰休休休休羨也既休而羨見
故量材一宜休揣分二宜休耄而贖三宜休又少
也情長也率老也遷三者非濟時用又宜休自目

為耐辱居士 本傳

頭顱可知

陶洪景與從弟書曰昔仕宦期四十左右作尚書郎即投簪高邁今三十六方作奉朝請頭顱可知不如早去 撫遺

種樹書

退之送石洪詩云手把種樹書人云避世士忽騎將軍馬自號報恩子

釣竿手

杜牧詩惆悵江頭釣竿手却遮西日向長安

笋味勝中堂骨

邵堯夫一日謂富鄭公食笋味甚美公曰未如中堂骨頭之美也堯夫曰野人食笋三十年未嘗為所辱公今日可食中堂骨頭乎 聞見錄

花外小車

司馬溫公居洛與邵康節遊一日塵崇德閣約邵未至有詩曰淡日濃雲合復開碧伊清洛遠縈回林間高閣望已久花外小車猶未來堯夫和云君家梁上午時燕過社今年尚未回請罪誤君疑佇久萬花深處小車來 同上

好事之車

李階廷有賦云坐有清談之客門多好事之車 分紀

函怪牒鎖雲篆紫洞香風吹碧桃三山朝去應非
久姪女當牕織羽袍杜牧一榻琴書雙闕寺片心

泉石兩林山江樓把酒雲供望秋院支筇鶴對階
陳堯叟 碁聲敲月重履齒印苔深竹徑茶煙細山

園鍛樹陰韓持國種竹五七个結茅三兩間稍通

溪上路不礙屋頭山黃葉水去住白雲風往還生

涯只此是道者少機閑遂陸鳥歸村落後水向縣

城斜劉長卿門掩少人至春殘啼鳥多苔錢對井

口花片入蛭窠柳放竹裏編茅倚石根竹莖踈處

見前村閑眠盡日無人到時有清風爲掃門僧顯

忠谷鳥隨柯轉庭花奪酒香初晴岩翠滴向晚木

投絃歸來萬事輕消磨未盡祇風情舊因尊菜求

長假新爲楊枝作短行不禱自安緣壽骨苦藏難

沒是詩名淺斟低唱紅生頰細琢歌詞穩稱聲蝸

殼卜居心自放蠅頭寫字眼能明跪履數從圮上

老逸書閑訪濟南生東坡夜踏華陽三徑小曉耕

秋色一犁深庭園縱窄猶栽藥活計雖貧亦買琴

王禹偁 稚子新能編筍笠山妻舊解補荷衣秋山

隔岸清猿叫湖水當門白鳥飛陳羽杖屨獨遊栽

藥圃琴樽多在釣魚舡晚來花下敲門者不是神

仙即酒仙僧楚蠻尋真悞入蓬萊島香風不動松

花老採芝何處未歸來白雲滿地無人掃魏野玉

函怪牒鎖雲篆紫洞香風吹碧桃三山朝去應非
久姹女當牕織羽袍杜牧一榻琴書雙闕寺片心

泉石兩林山江樓把酒雲供望秋院支筇鶴對階
陳堯叟 碁聲敲月重履齒印苔深竹徑茶煙細山

園鍛樹陰韓持國種竹五七个結茅三兩間稍通

溪上路不礙屋頭山黃葉水去住白雲風往還生

涯只此是道者少機閑遂陸鳥歸村落後水向縣

城斜劉長卿門掩少人至春殘啼鳥多苔錢對井

口花片入玉窠柳放竹裏編茅倚石根竹莖踈處

見前村閑眠盡日無人到時有清風爲掃門僧顯

忠谷鳥隨柯轉庭花香初晴岩翠滴向晚木

陰涼楊徽之秋夢有時見孤雲無處尋神清峯頂

望衣冷瀑邊吟劉禹昭江頭日暖花又開江東行

客思悠哉蒲艇明月一竿竹家住五湖歸去來羅

隱日照四山雪僧門猶未開凍瓶粘柱礎宿火陷

爐灰童子病歸去鹿麕寒入來鄭肇犬吠水聲中

桃花帶露濃樹深時見鹿溪午不聞鐘野竹分清

靄飛泉掛碧峯李白身上只衣筒直掇馬前長帶

古徧提鷗鵬懶擊三千水龍虎閑封六一泥林逋

水北山人得名聲去年去作幕下士水南山人又

繼往鞍馬僕從塞閭里少室山人索價高兩以諫

官徵不起退之草暖青牛卧松高白鶴眠雨來江

色暮獨自下寒煙李白偶來松樹下高枕石頭眠

山中無曆日寒盡亦知年隱者松陰遶院鶴相對

山色滿樓人未歸姚鵠手中藤杖留霞點身上荷

衣帶酒痕文本求猿句寄山深寺乞石書傳海上

州杜荀鶴滿屋煙霞春睡足一溪風雨夜燈孤張

松陰轉處琴書潤花片飛來枕簟涼彭應求幽鳥

喚人穿竹去野猿尋果出雲來沈彬唯看老子五

千字不踏長安十二衢白居易看院只留雙白鶴

入門唯見一株松樂天壺中別有仙家日嶺上猶

多隱者雲李義山怪來詩思清人骨門對寒流雪

滿山韋應物臨水鶴窺行道影隔雲僧認讀書聲

楚蠻洗盃秋澗日華動搗藥夜堂秋氣深王正已

雲歎石花生劒壁雨敲松子落琴床林逋千里白

雲隨野步一湖明月上秋衣同上月屆曉窻琴岳

潤竹侵秋几墨雲鮮同上不甘五等諸侯薦直待

九重天子知贈劉素帶雨小舟橫別澗隔花幽犬

吠深雲張觀止應獨有江山秀素自都無廊廟心

韓駒兩槍未試冷冷水五鬣長閑晰晰風林逋滴

瀟藥泉來石竇霏霏茶靄出林梢花月病懷看

酒譜雲蘿幽信看茶經峯後月明秋嘯去水邊

林影晚樵還同上鶴傳滄海信僧和白雲篇惠崇

松風吹髮亂巖溜濺碁寒圭竇先知曉盆池別

見天同上古寺尋僧飯寒巖衣鹿裘廖融夜船浮

海月秋寺傍江雲石梯青障下茅屋白雲間崔峒

眼明山雨後鬢亂竹風前魏野洗硯魚吞墨烹茶

鶴避煙成家書蒲屋添口鶴生孫同上因客始

酤酒借書方到城姚合白雲風散盡紅葉水浮來

劉德仁踈籬僧舍近嘉樹鶴庭寬陳堯佐試墨書

新竹張琴和古松李義山淺瀨寒魚少叢蘭秋蝶

多錢起掃葉秋風下拾薪山雨前孟貫雪殘僧掃

石風動鶴歸林惠崇數點石泉雨一溪霜葉風掃

撥雲尋古道倚樹聽流泉李白水春雲母碓風掃

石南花唐竹影掃秋月荷花落古池李白

漁父

簞簞

玉篇云取魚器也山谷詩耕夫荷鉏解襖換漁父

曬網投簞簞又陸龜蒙詩頭經略約冠微亞腰插

簞簞帶蠹頻

浪婆銅斗歌

孟郊詩銅斗飲江水手拍銅斗歌儂是拍浪兒飲

則拜浪婆脚踏小舟頭獨速舞短蓑

射鴨

射鴨復射鴨鴨驚孤蒲頭儂是清浪兒每踏清浪

遊笑他鄉貢郎踏土稱風流

鷗社

本與江鷗為保社聊隨海燕度炎涼山谷

魚蠻子

江淮水為田舟楫為室居魚鰕以為糧不耕自有
餘異哉魚蠻子本非左衽徒連排入江住竹瓦三
尺廬於焉長子孫咸施且侏儒擘水取魴鯉易如
拾諸途破釜不着鹽雪鱗毛青蔬一飽便甘寢何
異懶與狙人間行路難踏地出賦租不如魚蠻子
駕浪浮空虛空虛未可知會當筭舟車蠻子扣頭
泣勿語桑大夫 東坡詩

詩

窮秋漫漫兼葭雨短褐休休白髮翁范子歸來思
狡兔呂公何意兆非熊漁收亥日妻到市醉卧水
痕舡信風四海租庸人草草太平長在碧波中 山谷
八月九月蘆花飛南溪老人垂釣歸秋山入簾翠
滴滴野艇倚檻雲依依却把漁竿尋小徑閑梳鶴
髮對斜暉翻嫌四皓曾多事出為儲王定是非
西塞山前白鷺飛桃花流水鱖魚肥青箬笠綠簑
衣斜風細雨不須歸 張志和 村寺鍾聲渡遠灘半
輪殘月落前山徐徐撥掉却歸灣浪疊朝霞錦綉
翻 李夢符 新嬾磯頭眉黛愁女兒浦口眼波秋驚
魚錯認月沉鈎青箬笠前無箇事綠簑衣裏一時

休斜風細雨轉船頭山谷鑑湖春水夜來生幾疊
春山遠更橫煙艇小釣絲輕釣得閑中萬古名薄
晚煙林淡翠微江邊秋月已明輝縱遠拖適天機
水底閑雲片片飛 雪洒清江江上船一錢何有
買江天催短棹去長川魚蟹來傾酒舍煙青草開
時已過船錦鱗躍颺浪痕圓竹葉酒柳花甍有意
沙鷗傍我眠 扁舟小纜蘆花風四合青山暮靄
中明細火倚孤松但願樽中酒不空 魚信還催
花信開風光得得爲誰來舒柳眼落梅腮浪暖挑
花夜更雷 水涵微雨湛虛明小笠青簑未要
晴明鑑裏縠紋生白鷺飛來空外聲無數孤蒲間
藕花棹歌輕舉酌流霞隨好處轉山斜也有孤村
三兩家 清灣幽島住盤紆一舸橫斜得自如唯
有此更無居從教紅袖泣前魚御製

○農家

茅蒲襪

管子云先雨耘耨以待時雨時雨既至挾其捨刈
耨耨以旦暮從事於田野脫衣就功別苗秀列踈
瀨首戴茅蒲身服襪沾體塗足暴其髮膚盡其
四肢之力此謂之農

抱瓮負薪

編茅結草上漏下濕之悲桔槔抱瓮占星望雲之

勞負薪烝以耕耘後一餉而不至者之苦舉債於
豪右結一爲五者之冤農之爲農亦良苦矣

穀父蠶母

續仙傳三川飢者有三青衣童子語人曰世人厭
棄五穀地司已收五穀之神矣可相率祈謝谷父
蠶母衣食之神當致豐穰

乞漿得酒

歲在申酉乞漿得酒 朝野僉載

農祥

農祥晨正天駟星也立春見於南以興農事 國語

歐窶滿篝

淳于髡曰臣見道旁有穰苗者操一豚蹄一盂酒
祝曰歐窶滿篝玕邪滿車五穀蕃熟穰穰滿家 史記滑稽傳

妻饁如賓

晉冀缺擣其妻饁之相敬如賓晉侯曰能敬必有
德以爲下軍大夫 左傳

鴉頭靴

李白詩履上足如霜不着鴉頭靴謂農婦也

兔園冊

馮道本田家狀貌質野朝士多笑其陋道入朝任
贊劉岳在後道行數步反顧贊問岳何爲岳曰遺

下兔園冊爾兔園冊者鄉校俚儒教田夫牧子之所誦也故岳舉以誚道道聞之大怒遷岳秘書監

劉岳傳

詩

春種一粒粟秋成萬顆子四海無閑田農夫猶餓死鋤禾日當午汗滴禾下土誰知盤中食粒粒皆

辛苦

李紳詩云

父耕原上田子斲山下荒六月一

禾生官家一開倉

又四月賣新絲五月糶新穀

醫得眼下瘡剗却心頭肉

美言

鳩婦勃磈農荷

鋤身披襤褸頭茅蒲兩不破塊田圯圖稊稗青青

佳穀枯大婦碓春頭鬢踈小婦拾穉行餉姑四時

作苦無袴襦門前叫嗔官索租

洪駒父南村北村

兩一犁新娟餉姑翁哺兒田中啼鳥自四時催人

脫袴着新衣着新替舊亦不惡去年租重無袴着

山谷青裙縞袂於潛女兩足如霜不穿履簪沙鬢

髮絲穿杼蓬沓障前走風雨茗溪楊柳初飛絮照

溪盡眉渡溪去蓬節樵歸相媚媼不信姬姜有齊

魯東坡詩

村落

略約 音灼

橫木渡水陸龜蒙詩頭經略約冠微亞腰插笈簪

帶蠹頰

灤東灤西

楚俗以山谷間水可涉為灤水經註灤東灤西水
兩傍之名 杜詩註

卜鄰

白樂天與元八卜鄰詩曰明月好同三徑夜綠楊
宜作兩家春

桐帽樓鞋

郭若虛聞見志云隋朝用桐木黑漆為巾裹於幞
頭之內山谷詩注桐帽本蜀人作以桐木作而漆
之如今之帽三十年前猶見之

青山三百疊

溪上青山三百疊 東坡詩

詩

草肥朝牧牛桑綠晚鳴鳩列宿簷前見清泉碓下
流春蔬和雨摘社酒向花籬引我南坡去籬邊有

小舟 鄭谷種茶岩接紅霞塢灌稻泉生白石根

腹老翁頭似雪海棠花下戲兒孫 滕白一笛秋風

急千巖晚照多竹根鄰叟醉牛背牧兒歌 李若水

釣船歸落昏鴉後江雨來從白鳥邊舊屋但餘燒

葉竈破囊猶欠買山錢 盧襄搖落暮山迴丹楓霜

葉稀孤城向水閉獨鳥背人飛渡口月初上鄰家

漁未歸鄉心正愁絕何處搗寒衣 劉長卿浣花流

寸客愁無柰多慈母每占烏鵲喜家人應賦殘夢
歌 婉婉有詩來入夢溫柔何日聽還鄉 坡詩孤
遊懷耿介旅宿憂婉婉 退之 他時夜雨困移床坐
見愁聲點客腸 東坡 寒燈挑不焰殘火撥成灰 後山
我家白髮問烏鵲他家紅粧占蛛絲 山谷
齋宅

蕭齋

梁武帝造佛寺令蕭子雲飛白大書蕭寺至今一
字存焉李約之買歸建一小室以玩之號蕭齋今
人呼蕭寺亦因此也 國史補

書齋爲精舍

桂玉

戰國策蘇秦之楚三日乃得見王談卒辭行楚王
曰願留秦曰楚國食貴於玉薪貴於桂謁者難見
於鬼王難見於帝今臣食玉炊桂因鬼見帝其可
得悉又文選注紅粒貴瓊瑤

奴白馬青

肯訪浣花老翁無爲君酣酒蒲眼酤與奴白飯馬
青藜 老杜詩

詩

鴈外無書爲客久蛩邊有夢到家多畫堂玉佩縈
風響不及桃源款乃歌 王欲 五湖歸夢常苦短一

寸客愁無柰多慈母每占烏鵲喜家人應賦歲夕
歌 婉婉有詩來入夢溫柔何日聽還鄉 坡詩孤
遊懷耿介旅宿夢婉婉 退之 他時夜雨困移床坐
見愁聲點客腸 東坡 寒燈挑不焰殘火撥成灰 山後
我家白髮問烏鵲他家紅粧占蛛絲 山谷
齋宅

蕭齋

梁武帝造佛寺令蕭子雲飛白大書蕭寺至今一
字存焉李約之買歸建一小室以玩之號蕭齋今
人呼蕭寺亦因此也 國史補

書齋爲精舍

晉武帝初奉佛法立精舍於內殿引沙門居精舍
故今人皆以佛寺爲精舍殊不知精舍乃儒者教
授生徒之所後漢包咸劉淑傳皆有立精舍教授
生徒之文謝靈運有石壁精舍詩曰披拂趨南徑
愉悅偃東扉非佛寺也李善註云精舍者今讀書
齋是也

玉盃金盃

唐一行云長安永寧坊東南是金盃地安邑里西
是玉杯地後永寧爲王鏐宅復賜袁弘及史憲誠
等所以爲金盃破而復成安邑爲馬燧宅後爲奉
成園所以爲玉盃破而不復完也又桑道茂號長

安公卿宅有玉盃金盃之號盧氏雜記

買鄰

梁宋季雅市宅於呂僧珎宅側僧珎問其直曰千
千一百萬怪其貴曰千萬買鄰百萬買宅南史

懸鞭桑樹得財

淳于智能易筮善狀勝之術上黨朱瑗家多桑病
貧困瑗使筮之曰君宅失宜故令君困君舍東北
有大桑樹君若至市門當有人持馬鞭者就買懸
此桑樹三年當暴得財瑗詣市果得鞭懸之三年
浚井得數萬銅錢器復二十餘萬於是致贍智傳

蝸舍

魯人有夜行迷失道路遠望田中有火宅因尋至
其處見一大屋有人居住其人遂扣門求寄宿須
臾有一婦人出端正顏色延入廳上設酒食至醉
倒卧明日酒醒天明見身在田塍上睡傍有一田
螺大如斗因惡心而吐吐出者皆泥也方知是田
螺精今人因此名所居之舍為蝸舍即田螺也

舟船

鷁首

王濬為益州刺史帝謀伐吳詔濬修舟乃作大船
連舫方一百二十步受二千餘人又畫鷁首於船
首舟楫之盛自古未有本傳

螭頭

東坡遊西湖詩映山黃帽螭頭舫夾道香煙鵲尾
爐

黃頭郎

鄧通以擢船為黃頭郎注土勝金而色黃故刺船
之郎皆著黃帽號黃頭郎後漢書

烏榜紅舷

東坡詩城頭月落尚啼烏烏榜紅舷早滿湖烏榜
紅舷遊湖船也

吳榜

張載傳吳榜越船不能無水而浮遊舫已裝吳榜

隱

三翼

文選張景陽七命有浮三翼泛中流之句故詩人
多用三翼為輕舟按越絕書伍子胥水戰兵法經
曰大翼一艘廣一丈五尺長十丈中翼一艘廣一
丈二尺長五丈小翼一艘廣一丈二尺長三丈所
謂三翼者皆載船也非輕舟也廣語陽秋

僧寺

鹿苑 鷲峯

出佛書并見六帖

緇廬

唐文粹李庾西都賦

佛室

崇佛室為學者居會其徒而委之食使擊磬鼓鐘以嚴其道

柳子厚大雲寺記

廣殿長廊

唐辛替否傳

珍樓寶屋

唐高力士於來廷坊建佛祠珍樓寶屋國貨不逮

塗金瓦

王縉初五臺山佛祠鑄銅為瓦以金塗之

賜寶座

唐懿宗成安國祠賜寶座二度高二丈構以沉檀

珍麗精絕

李蔚傳

百寺

南蠻婆賄伽廬國喜佛法琉璃為甃錯以金銀丹彩紫纈塗地覆以錦蜀王居亦如之

詩

夜深殿突兀風動金琅璫天黑捫春院地晴棲暗

芳

老杜

玉斗生網戶銀河耿花宮

李白

香雲徧山

起花雨從天來

同上

清聞樹抄磬遠謁雲端僧

老杜

躋閣謁金像攀雲叩禪扃

韋應物

宮觀山名

紫府清都丹臺碧洞

出道經并見六帖

璇臺玉樹

唐辛替否傳

金榜瑤壇

唐文粹

福區

王瓊建言唐家宜崇表福區招致神靈

靈境

不死之福鄉養真之靈境 崔尚桐栢觀頌

瑞雲靈跡

唐顯德中世宗營道宮於城西二人發得石一片

上有字題瑞雲靈跡鎮梁東他日多應與古同

天華上宮

唐廣德初王瓊建言請度昭應南山作天華上宮

詩

焚香禮真像盥手披雲笈 陸龜蒙 閑開藥珠殿暗

閱金字經 元稹 上有鬱藍天垂光抱瓊室 杜甫

錦繡萬花谷卷第二十五



